



BULETINI I ZYRËS SË KRYEPROKURORIT TË SHTETIT

DHJETOR 2024

BULETINI I ZYRËS SË KRYEPROKURORIT TË SHETIT

DHJETOR 2024

Në edicionin e këtij Buletini pasqyrohen aktivitetet e ZKPSH-së për muajin DHJETOR 2024

Përfaqësuesit e sistemit prokurorial vizitojnë institucionet e drejtësisë turke

Prishtinë, 2 dhjetor 2024 – Në kuadër të vizitës zyrtare në institucionet e drejtësisë të Republikës së Turqisë, Kryesuesi i Këshillit Prokurorial të Kosovës, z. Ardian Hajdaraj dhe Ushtuesi i Detyrës së Kryeprokurorit të Shtetit, z. Besim Kelmendi, të shoqëruar nga Zëvendëskryesuesja znj. Jehona Grantolli, anëtarë të KPK-së, Drejtori i Përgjithshëm i Sekretariatit të KPK-së dhe ai i NJSHPP-së, si dhe zyrtarë të administratës së sistemit prokurorial, filluan sot takimet me zyrtarë të lartë të Akademisë së Drejtësisë, si dhe do të vijojnë me ato në Këshillin Gjyqësor, Këshillin Prokurorial të Turqisë dhe Gjykatën Kushtetuese të Turqisë.



Me këtë rast, Kryesuesi Hajdaraj, në fjalën e tij përshëndetëse, tha se diskutimet dhe interesimi ynë do të përqendrohet tek njohja nga afër e operimit të Akademisë së Drejtësisë dhe edukimit ligjor që zhvillon për prokurorët, marrjen e informacioneve bazike që ndërlidhen me teknikat dhe metodat e punës së këshillave, vlerësimin të performancës dhe disiplinimit, por edhe për praktikave menaxheriale administrative, të cilat si tërësi përbëjnë mbështetjen për mekanizmat përkatës, transparencën dhe llogaridhënia e përgjithshme.

Gjithashtu edhe U.D. Kryeprokurori i Shtetit, z. Kelmendi, nënvizoi rëndësinë e fuqizimit të bashkëpunimit dypalësh me Qeverinë turke, me fokus të veçantë në çështjet që kanë të bëjnë me hetimin dhe ndjekjen efikase të kryesve të veprave penale specifike, përfshirë korrupsionin publik, konfiskimin dhe sekuestrimin e pasurisë,

bashkëpunimin në fushën e ofrimit të ndihmës juridike ndërkombëtare dhe luftimin e terrorizmit.

Vizita e përfaqësuesve të sistemit prokurorial në institucionet e drejtësisë turke realizohet me mbështetjen e Ambasadës së Turqisë në Kosovë, kurse gjatë aktiviteteve të sotme dhe atyre që parashihet të zhvillohen gjatë kësaj vizite, do të ketë diskutime për ngritjen e bashkëpunimit dypalësh në sektorët me interes të përbashkët dhe do të trajtohen informacionet, perspektiva dhe përvojat nga këndvështrimi i zhvillimit të sistemit të drejtësisë së shtetit turk, nga të cilat mund të përfitohet në rritjen e efektivitetit dhe efikasitetit të punës së Këshillit dhe Prokurorit të Shtetit.

Përfaqësuesit e sistemit prokurorial vizitojnë Këshillin Gjyqësor dhe Prokurorial në Turqi

Prishtinë, 3 dhjetor 2024 – Përfaqësuesit e sistemit prokurorial që janë duke qëndruar për një vizitë zyrtare në institucionet turke të drejtësisë, të udhëhequr nga Kryesuesi i Këshillit Prokurorial të Kosovës, z. Ardian Hajdaraj, së bashku me Ushtruesin e Detyrës së Kryeprokurorit të Shtetit, z. Besim Kelmendi, vizituan sot Këshillin Prokurorial dhe Gjyqësor të Turqisë, ku janë pritur nga Kryetari i Këshillit Prokurorial dhe Gjyqësor të Turqisë, z. Mehmet Akif Ekinci.



Gjatë takimit, Kryesuesi i Këshillit Prokurorial dhe Gjyqësor të Turqisë, z. Ekinci, falënderoi delegacionin kosovar për vizitën e tyre dhe

prezantoi aktivitetet kryesore të veprimtarisë së institucioneve që përfaqëson.

Nga ana tjetër, z. Hajdaraj falënderoi z. Ekinci për pritjen e ngrohtë dhe informacionet e veshme që morën nga ai dhe në emër të Këshillit Prokurorial të Kosovës, shprehu përkushtimin për thellimin e mëtejshëm të bashkëpunimit me sistemin prokurorial dhe gjyqësor të Turqisë.



Ndërsa z. Besim Kelmendi, vuri theksin e tij në bashkëpunimin e ndërsjellë të institucionit të Prokurorit të Shtetit me mekanizmat institucionalë nga Turqia për të shkëmbyer përvojat dhe praktikat më të mira, që ndikojnë në sundimin e ligjit në Kosovë.



Vizita e përfaqësuesve të sistemit prokurorial në institucionet e drejtësisë turke do të vazhdojë edhe gjatë ditës së nesërme, me ç'rast pas Gjykatës Kushtetuese të Republikës së Turqisë do të zhvillojnë një takim me Kryeprokurorin e Përgjithshëm në Ankara.

Vazhdojnë takimet e përfaqësuesve të sistemit prokurorial në Turqi, sot vizituan Gjykatën Kushtetuese

Prishtinë, 4 dhjetor 2024 – Në kuadër të vizitës disaditëshe të përfaqësuesve të Këshillit Prokurorial të Kosovës dhe Prokurorit të Shtetit në Turqi, të udhëhequr nga Kryesuesi i Këshillit Prokurorial të Kosovës, z. Ardian Hajdaraj dhe Ushtuesi i Detyrës së Kryeprokurorit të Shtetit, z. Besim Kelmendi, kanë vazhduar takimet e shumta, me ç'rast sot vizituan Gjykatën Kushtetuese të Republikës së Turqisë, ku u pritën nga Sekretari i Përgjithshëm i Gjykatës, z. Yılmaz Çınar.



Ata u njoftuan gjatë vizitës nga Sekretari i Përgjithshëm i Gjykatën Kushtetuese turke, z. Çınar, për aktivitetet që zhvillohen në kuadër të procesit intensiv të punës, si dhe falënderoi delegacionin kosovar për vizitën në këtë institucion të lartë turk të drejtësisë.

Kryesuesi Hajdaraj, gjithashtu, falënderoi Sekretarin Çınar për krijimin e mundësisë për të thelluar njohuritë e tyre për praktikën dhe standardet profesionale të institucioneve turke të drejtësisë, siç është edhe kjo e sotmja në Gjykatën Kushtetuese të Turqisë.

Ndërkaq, U.D. Kryeprokurori i Shtetit, z. Kelmendi, theksoi se sot kishin kënaqësinë e veçantë që u njohën për së afërmi me angazhimet konkrete

profesionale dhe administrative të kësaj gjykate të lartë turke, ku u informuan për përgjegjësitë dhe funksionalitetin kushtetues në Republikën e Turqisë.



Bashkëbiseduesit u pajtuan për vazhdimin e bashkëpunimit të ndërsjellë ndërmjet vete për të përforcuar rolin dhe zbatimin e misionit universal të sundimit të ligjit në të dyja vendet.

Delegacioni i sistemit prokurorial pritet në takim nga Kryeprokurori Publik i Gjykatës së Lartë të Apelit, Muhsin Şentürk

Prishtinë, 5 dhjetor 2024 – Gjatë qëndrimit në Ankara, në ditën e fundit të vizitës zyrtare në Republikën e Turqisë, delegacioni i sistemit prokurorial, i udhëhequr nga U.D. Kryeprokurori i Shtetit, z. Besim Kelmendi dhe i shoqëruar nga Kryesuesi Ardian Hajdaraj dhe Zëvendëskryesuesja e KPK-së, znj. Jehona Grantolli, është pritur në takim nga Kryeprokurori Publik i Gjykatës së Lartë të Apelit, Muhsin Şentürk.



Me këtë rast, delegacioni nga vendi ynë është njoftuar nga z. Şentürk për organizimin dhe funksionimin e strukturës organizative të institucionit që ai drejton, me theks të veçantë për

aktivitetet që zhvillohen në kuadër të luftës kundër krimeve të ndryshme.

Nga ana tjetër, në emër të institucionit të Prokurorit të Shtetit, U. D. Kryeprokurori i Shtetit, z. Kelmendi, ka shprehur gatishmërinë për thellimin e bashkëpunimit me këtë institucion turk në çështjet me interes të përbashkët, duke vlerësuar përvojën dhe zbatimin e standardeve dhe praktikave të mira.



Gjithashtu, edhe Kryesuesi Ardian Hajdaraj falënderoi Kryeprokurorin Şentürk për ofrimin e informacioneve që ndërlidhen me proceset e punës së këtij institucioni, të cilat hyjnë në shërbim të avancimit dhe ngritjes së kapaciteteve profesionale të sistemit prokurorial në Republikën e Kosovës.

Vlen të theksohet se të gjithë pjesëmarrësit e delegacionit tonë gjatë vizitës në Turqi janë angazhuar në të gjitha takimet e deritashme duke diskutuar me zyrtarët përgjegjës për format dhe çështjet e ndryshme që kanë të bëjnë me intensifikimin e bashkëpunimit ndërshtetëror në mes të institucioneve turke dhe institucioneve të drejtësisë në Kosovë.

U.D. Kryeprokurori Kelmendi pjesëmarrës në punëtorinë për hartimin e planit strategjik të Këshillit Prokurorial të Kosovës

Prishtinë, 10 Dhjetor 2024 – Ushtuesi i Detyrës së Kryeprokurorit të Shtetit, z. Besim Kelmendi po merr pjesë në punëtorinë për hartimin e planit strategjik të Këshillit Prokurorial të Kosovës për periudhën 2025-2027, të organizuar nga

zëvendës kryesuesja e Këshillit Prokurorial të Kosovës, znj. Jehona Grantolli.



Me këtë rast U.D. Kryeprokurori Kelmendi po jep kontributin e tij në hartimin e vizionit dhe misionit të planit strategjik të Këshillit Prokurorial për periudhën 2025-2027, si dhe në hartimin e shtyllave dhe objektivave që do t'i përmbajë ky plan strategjik.

Në këtë punëtori, përveç përfaqësuesve të Këshillit Prokurorial të Kosovës, po merr pjesë edhe znj. Tennille Nance, eksperte nga Zyra për Planifikim Strategjik në Departamentin e Drejtësisë, si dhe partnerët tjerë ndërkombëtar.



Mbahet punëtoria me temë: “Harmonizimi i Përkufizimeve të Shkeljeve dhe Udhëzimeve për Identifikimin e Veprave Penale”

Prishtinë, 10 Dhjetor 2024 – Zyra e Kryeprokurorit të Shtetit dhe Zyra Kombëtare e Auditimit kanë organizuar punëtori të përbashkët me temë: “Harmonizimi i Përkufizimeve të Shkeljeve dhe Udhëzimeve për Identifikimin e Veprave Penale”.

Qëllimi i organizimit të kësaj punëtorie është synimi për të ngritur bashkëpunimin në mes Zyrës së Kryeprokurorit të Shtetit dhe Zyrës Kombëtare të Auditimit dhe të vendosë një qasje të unifikuar për klasifikimin dhe trajtimin e shkeljeve ligjore, shkëmbimin e informatave kthyesë, duke forcuar angazhimin e përbashkët për pajtueshmëri dhe qartësi në proceset ligjore.



Të pranishmëve me fjalë përshëndetëse iu drejtuan Ushtruesi i Detyrës së Kryeprokurorit të Shtetit, z. Besim Kelmendi dhe zbj. Vlora Spanca, Auditore e Përgjithshme në Zyrën Kombëtare të Auditimit.

U.D. Kryeprokurori Kelmendi gjatë fjalës së tij theksoi se ka mirëpritur një takim të përbashkët në mes të Prokurorit të Shtetit dhe Auditorit të Përgjithshëm, ku do të diskutohet për avancimin e bashkëpunimit në mes këtyre dy institucioneve, me qëllim të parandalimit dhe luftimit me sukses të korrupsionit dhe mbrojtjen e buxhetit të shtetit.



Gjithashtu, U.D. Kryeprokurori Kelmendi ka kërkuar nga të pranishmit që të diskutojnë edhe për të gjitha sfidat dhe vështirësitë e tyre gjatë punës dhe bashkëpunimit të tyre, me qëllim që këto sfida të tejkalohen sa më lehtë.

Ne fund U.D Kryeprokurori Kelmendi shprehu gatishmërinë e tij dhe Zyrës së Kryeprokurorit të Shtetit për vazhdimin e mbajtjes së takimeve, punëtorive dhe trajnimeve të përbashkëta që kanë për qëllim ngritjen dhe avancimin e profesionalizmit në trajtimin e rasteve, ku dyshohet se ka elemente të veprave penale korruptive.



Gjatë punimeve të kësaj punëtorie u diskutua për rolin e auditimit dhe bashkëpunimit ndërinstitucional në identifikimin e mashtrimeve në sektorin publik: sfidat dhe mundësitë për përmirësim, u prezantuan disa rasteve të gjetjeve të auditimit të identifikuara në auditime, si dhe pati diskutim të përgjithshëm të referimit të rasteve në Prokurorin e Shtetit.



Poashtu pati diskutim të hapur rreth sfidave të përbashkëta në klasifikimin e shkeljeve ligjore në raport me elementet e veprave penale dhe u bë informimi i përgjithshëm rreth integritit të platformave elektronike për rastet e mashtrimit dhe kthimin e informacionit ndërmjet dy institucioneve.

Pjesëmarrës në këtë punëtori përveç përfaqësuesve të institucionit të Prokurorit të Shtetit dhe Zyrës Kombëtare të Auditimit ishin edhe përfaqësues të Ambasadës Amerikane në Prishtinë, të USAID-it, si dhe Zyrës së UNDP-së në Prishtinë.

Mbahet takimi i përbashkët i Zyrës së Kryeprokurorit të Shtetit dhe Gjykatës Supreme me Këshillin Prokurorial, Këshillin Gjyqësor, kryeprokurorët e prokurorive dhe kryetarët e gjykatave të Republikës së Kosovës

Prishtinë, 12 dhjetor 2024 – Zyra e Kryeprokurorit të Shtetit dhe Gjykata Supreme e Kosovës kanë mbajtur takim të përbashkët me Këshillin Prokurorial të Kosovës (KPK), Këshillin Gjyqësor të Kosovës (KGJK), kryeprokurorët e prokurorive dhe kryetarët e gjykatave të Republikës së Kosovës

Në fillim të këtij takimi, U.D. Kryeprokurori i Shtetit, z. Besim Kelmendi, theksoi rëndësinë e takimit, duke pohuar se, “Kemi qenë unik në qëndrimet tona në ruajtjen e pavarësisë së sistemit të drejtësisë, kemi qenë unik në çështjet thelbësore për sistemin prokurorial dhe gjyqësor, dhe ky takim është finalizim i sukseseve tona të përbashkëta. Mirëpo, krahas sukseseve ne jemi të vetëdijsëm për hapat që duhet bërë për të avancuar sistemin e drejtësisë, për të pasur më shumë suksese, më shumë efikasitet, më shumë cilësi në punën tonë si gjyqtarë dhe prokurorë. Andaj, çështja e reformës në drejtësi e cila është adresuar në Komisionin e Venecias, çështja e efikasitetit të punës tonë, politika ndëshkimore, masat që janë duke u zbatuar për sigurimin e të pandehurve në procedurën penale, çështja e menaxhimit të rasteve në mënyrë elektronike do të jetë vetëm fillimi i diskutimeve tona.

“Gjithashtu, dua të theksoj se nuk mund të kemi drejtësi për qytetarët dhe të kemi një gjykim në kohë të arsyeshme deri sa kemi mungesës të numrit të prokurorëve, rrjedhimisht mos aprovimit të kërkesave buxhetore të sistemit prokurorial nga pushteti ekzekutiv dhe legjislativ, dhe kjo është

shumë shqetësuese dhe po na paraqet pengesa në punën tonë të përditshme për të pasur efikasitet dhe për të mundur realizimin e të drejtave të qytetarëve për qasje në drejtësi”, u shpreh U.D. Kryeprokurori Kelmendi.



Ndërkaq, Kryetari i Gjykatës Supreme të Kosovës, z. Fejzullah Rexhepi në fjalën e tij të mirëseardhjes theksoi rëndësinë e takimeve të tilla, përmes të cilave mund të diskutohen çështje me rëndësi që lidhen me përmirësimin e sistemit të drejtësisë dhe mundësojnë përcaktimin e hapave të rinj drejt rritjes së efikasitetit, transparencës dhe besimit të qytetarëve në institucionet e drejtësisë. Sipas kreut të Gjykatës Supreme, është e rëndësishme të diskutohet për zbatimin e reformave ligjore të vitit 2025, përfshirë kalimin e pakos së ligjeve në Kuvend, sipas Deklaratës së Përbashkët të Zotimit, të cilat janë thelbësore për avancimin e sistemit të drejtësisë. Pjesë e këtij procesi do të jetë edhe përmirësimi i sistemit SMIL, me fokus në mundësinë e koordinimit dhe komunikimit më të mirë ndërmjet Këshillit Gjyqësor, Këshillit Prokurorial, gjykatave dhe prokurorive.



“Po ashtu, diskutimi mbi Politikën Ndëshkimore është ndër temat më të rëndësishme të këtij takimi. Si një komponent kyç për një sistem drejtësie

efikas, kredibil dhe të paanshëm, kjo politikë duhet të bazohet në parimet kushtetuese dhe ligjore. Në këtë drejtim, dy javë më parë, me mbështetjen e Ambasadës Amerikane (OPDAT), Gjykata Supreme lansoi Udhëzuesin për Matjen e Dënimit, një dokument me rëndësi për unifikimin e praktikës gjyqësore dhe rritjen e cilësisë së vendimmarrjes”, u shpreh mes tjerash kreu i Supremes. Ai falënderoi partnerët e pranishëm ndërkombëtarë, për mbështetjen e tyre të çmuar dhe të vazhdueshme përgjatë reformave të shumta në drejtësi.

Kryesuesi i Këshillit Prokurorial të Kosovës, z. Ardian Hajdaraj, vuri theksin në fuqizimin e sistemit të drejtësisë. “Duke pasur parasysh natyrën e punës së Këshillit Prokurorial dhe atij Gjyqësor, të arriturat dhe sfidat me të cilat ballafaqohemi janë të njëjta. Rrugëtimi jonë drejt ruajtjes së pavarësisë së institucioneve, transparencës, llogaridhënies, fuqizimit të dy sistemeve është i përbashkët”, nënvizoi z. Hajdaraj.

Ndërkaq, kryesuesi i Këshillit Gjyqësor të Kosovës, z. Albert Zogaj duke folur për koordinimin dhe përgatitjen e sistemit gjyqësor dhe sistemit prokurorial për zbatimin e reformës gjatë vitit 2025, potencoi nevojën e koordinimit për pakon e reformës në drejtësi, e cila sipas tij, nuk është ideale por është reale, “përfaqëson punën e përbashkët dhe ka marrë dritën jeshile për të kaluar filtrin e Komisionit të Venecias”. Kryesuesi potencoi se “Kemi arritur në një fazë të rëndësishme të hartimit të kësaj reforme e cila ka kaluar përmes një iniciative të përbashkët”, ndaj, ai falënderoi gjyqtarët, prokurorët e përfshirë në këtë proces, drejtues të institucioneve dhe në mënyrë të veçantë partnerët ndërkombëtar, të cilët e kanë legjitimuar këtë nismë për sistemin e drejtësisë. Kryesuesi Zogaj theksoi rëndësinë që i është kushtuar mbrojtjes së pavarësisë së sistemit gjyqësor dhe atij prokurorial gjatë këtij procesi.



Rreth shtatëdhjetë pjesëmarrës në takim diskutuan për koordinimin e gjykatave dhe prokurorive, produktivitetin e seancave gjyqësore dhe efikasitetin në trajtimin e rasteve; zbatimin e Udhëzuesit të Gjykatës Supreme për Politikë Ndëshkimore, rritjen e cilësisë së hetimit dhe vendim-marrjes si dhe vlerësimin e praktikës në procedurën e masave të sigurimit të të pandehurit në procedurë; avancimin e sistemit për menaxhimin e lëndëve dhe vlerësimin e mundësisë së marrëveshjes në mes KGJK – së dhe KPK – së, që gjykatat dhe prokuroritë të komunikojnë përmes sistemeve elektronike si dhe për mbajtjen e takimeve të rregullta gjatë vitit 2025, në mes të Këshillave dhe në mes të gjykatave dhe prokurorive.

Pjesëmarrësit në takim ranë dakord që të themelohet Grupi Punues në përbërje të: Kryetarit të Gjykatës Supreme, u.d. Kryeprokurorit të Shtetit, Kryesuesit të KGJK-së dhe atij të KPK-së, zëvendës-kryesuesëve të KGJK-së dhe KPK-së dhe prej një përfaqësuesi të gjyqësorit dhe një përfaqësuesi të Prokurorisë.

Ky Grup Punues do të caktojë nëngrupet punues dhe do të organizojë takimet e tilla gjithëpërfshirëse.

U.D. kryeprokurori Kelemendi mori pjesë në takimin e 259-të të Këshillit Prokurorial të Kosovës

Prishtinë, 12 dhjetor 2024 – Këshilli i Prokurorial i Kosovës (KPK), i udhëhequr nga Kryesuesi Ardian Hajdaraj, mbajti Takimin e 259-të me radhë, në të cilin:



1. Miratoi Procesverbalin e Takimit të 258-të të Këshillit Prokurorial të Kosovës dhe
2. Caktoi prokuroren Bedrije Sylja-Alshiqi në pozitën e Ushtrueses së Detyrës të Kryeprokurorit të Prokurorisë së Apelit.

Mbahet takimi i përbashkët i prokurorëve koordinatorë për veprat penale kundër dhunës në familje

Prishtinë, 13 dhjetor 2024 –Me ftesë të koordinatores për veprat penale kundër dhunës në familje nga Zyra e Kryeprokurorit të Shtetit, znj. Laura Pula, është mbajtur takim në mes koordinatorëve për këto vepra penale nga të gjitha prokuroritë themelore të Republikës së Kosovës, si dhe përfaqësuesve nga Policia e Kosovës.

Në këtë takim u diskutua për problemet dhe sfidat kryesore, me të cilat ballafaqohen prokurorët e shtetit në trajtimin e rasteve që kanë të bëjnë me veprat penale kundër dhunës në familje dhe dhunës në bazë gjinore.



Gjatë këtij takimi përfaqësueset nga Policia e Kosovës, Departamenti për Rend Publik- Drejtoria për Parandalim dhe Hetim të Dhunës në Familje,

informuan dhe prezantuan Projektin “Monitorimi Elektronik i Urdhrave Mbrojtës”, konkretisht prezantuan byzylykët dhe gjurmuesit të cilët do t’u përdoren në rastet ku kemi të bëjmë me dhunë në familje.

Nga të pranishmit pati diskutim dhe u ndanë informacionet e nevojshme mbi implementimin dhe zhvillimin e sistemeve të monitorimit elektronik.



Edhe në këtë takim, ku të pranishëm ishin edhe përfaqësues nga Ambasada Amerikane në Prishtinë të gjithë prokurorët koordinatorë potencuan se do të vazhdojnë bashkëpunimin ndërinstitucional dhe u zotuan që do të vazhdojnë me përkushtim edhe më të madh, me urgjencë dhe me efikasitet të trajtojnë të gjitha rastet që ndërliken me veprat penale kundër dhunës në familje.

Urimi i U.D. Kryeprokurorit të Shtetit, z. Besim Kelmendi, me rastin e festës së Krishtlindjeve katolike

Prishtinë, 24 Dhjetor 2024 -

Të nderuar besimtarë katolikë,

Me rastin e kremtimit të festës së Krishtlindjes, me lejon t’iu shpreh urimet më të mira me dëshirat që kjo festë të sjellë ngrohtësi dhe prosperitet në familjet tuaja.

Le të jenë këto Krishtlindje një moment reflektimi për të forcuar vlerat tona njerëzore, ku shpresa dhe gëzimi na japin besim në të mirat e jetës, kulturën dhe idealet e qytetërimit.

Gëzuar dhe për shumë mot!

Me respekt,

Besim Kelmendi

Ushtrues i Detyrës së Kryeprokurorit të Shtetit



Një delegacion nga Prokuroria e Posaçme kundër Korrupsionit dhe Krimit të Organizuar të Republikës së Shqipërisë vizituan Zyrën e Kryeprokurorit të Shtetit

Prishtinë, 24 dhjetor 2024 – Ushtruesi i Detyrës së Kryeprokurorit të Shtetit, z. Besim Kelmendi, i shoqëruar nga Kryesuesi i Këshillit Prokurorial, z. Ardian Hajdaraj, nga Kryeprokurori i Prokurorisë Speciale të Republikës së Kosovës, z. Blerim Isufaj, si dhe nga prokurorët e Zyrës së Kryeprokurorit të Shtetit, kanë pritur sot në takim pune një delegacion nga Prokuroria e Posaçme kundër Korrupsionit dhe Krimit të Organizuar të Republikës së Shqipërisë, kryesuar nga kreu i kësaj prokurorie, z. Altin Dumani.



U.D. Kryeprokurori Kelmendi i njoftoi të pranishmit me mënyrën e funksionimit, strukturën organizative dhe kompetencat e Prokurorit të Shtetit, në

përgjithësi e konkretisht për kompetencat e Zyrës së Kryeprokurorit të Shtetit, si dhe për sfidat dhe të arriturat e këtij institucioni.



Gjatë këtij takimi pati diskutime të frytshme lidhur me ngritjen e nivelit të bashkëpunimit, koordinimit dhe efikasitetit në luftën kundër krimit dhe forcimin e sundimit të ligjit në të dyja shtetet, si dhe pati diskutime për çështje të tjera profesionale me interes të përbashkët.



Po ashtu në këtë takim u diskutua edhe për avancimin e mëtejshëm të bashkëpunimit përmes nënshkrimit të memorandumeve, si dhe për formimin e ekipeve të përbashkëta të hetimit me qëllim të luftimit të të gjitha formave të krimit.





Urimi i U.D. Kryeprokurorit të Shtetit, z. Besim Kelmendi, me rastin e festës së Krishtlindjeve katolike

Prishtinë, 24 Dhjetor 2024 -

Të nderuar besimtarë katolikë,

Me rastin e krenimit të festës së Krishtlindjes, me lejoni t'iu shpreh urimet më të mira me dëshirat që kjo festë të sjellë ngrohtësi dhe prosperitet në familjet tuaja.

Le të jenë këto Krishtlindje një moment reflektimi për të forcuar vlerat tona njerëzore, ku shpresa dhe gëzimi na japin besim në të mirat e jetës, kulturën dhe idealet e qytetërimit.

Gëzuar dhe për shumë mot!

Me respekt,

Besim Kelmendi

Ushtrues i Detyrës së Kryeprokurorit të Shtetit



Mbahet Takimi i 260-të i Këshillit Prokurorial të Kosovës

Prishtinë, 27 dhjetor 2024 –

Ushtruesi i Detyrës së Kryeprokurorit të Shtetit, z. Besim Kelmendi, mori pjesë në takimin e 260 të Këshillit Prokurorial të Kosovës (KPK), me ç'rast ky Këshill:



Miratoi Procesverbalin e Takimit të 259-të të Këshillit Prokurorial të Kosovës;

Miratoi Raportin tremujor për periudhën korrik-shtator 2024 për aktivitetet dhe rekomandimet e Koordinatorit Kombëtar për Luftimin e Krimit Ekonomik;

Miratoi Raportin gjashtëmujor për periudhën janar-qershor 2024 të Komisionit Ad Hoc mbikëqyrës për korrupsion dhe krimet ekonomike;

Miratoi Programin e Punës së Komisionit për Vlerësimin e Performancës për vitin 2025;

Caktoi prokuroren Fikrije Krasniqi në detyrën e Udhëheqëses së Departamentit për Hetimin e Terrorizmit në Prokurorinë Speciale;

Refuzoi ankesat për procesin e emërimit të Kryeprokurorit të Prokurorisë së Apelit dhe Kryeprokurorit të Prokurorisë Themelore në Mitrovicë;

Zgjodhi prokurorin Agron Bajrami në detyrën e Kryeprokurorit të Prokurorisë së Apeli për një mandat katërvjeçar me mundësi rizgjedhjeje edhe për një mandat;

Zgjodhi prokurorin Arben Kadriu në detyrën e Kryeprokurorit të Prokurorisë në Gjilan për një mandat katërvjeçar;

Zgjedhi prokurorin Burim Çerkini në detyrën e Kryeprokurorit të Prokurorisë Themelore në Ferizaj për një mandat katërvjeçar me mundësi rizgjedhjeje edhe për një mandat;

Zgjedhi prokuroren Lumturije Vuçetaj në detyrën e Kryeprokurores së Prokurorisë Themelore në Pejë për një mandat katërvjeçar me mundësi rizgjedhjeje edhe për një mandat;

Zgjedhi prokurorin Petrit Kryeziu në detyrën e Kryeprokurorit të Prokurorisë Themelore në Prizren për një mandat katërvjeçar me mundësi rizgjedhjeje edhe për një mandat;

Miratoi Raportin përfundimtar të Komisionit për Vlerësimin e Performancës së Prokurorisë për vlerësimin e parë të mandatit fillestar për 21 prokurorë të Grupit VII dhe

Miratoi Raport Analitik të Vlerësimit të Performancës së prokurorëve, me mandat të përhershëm, në kuadër të cikli trevjeçar.

Dekretohen njëzet e katër prokurorë të rinj

Prishtinë, 27 dhjetor 2024 – Me propozim të Këshillit Prokurorial të Kosovës, Presidentja Vjosa Osmani ka dekretuar njëzet e katër (24) prokurorë të rinj me mandat fillestar, të cilët në betimin e tyre, theksuan se gjatë kryerjes së detyrave të tyre do të qëndrojnë besnikë ndaj Kushtetutës dhe do të respektojnë rregullat e etikës profesionale.



Pas mbajtjes së kësaj ceremonie betimi, prokurorët e rinj janë pritur në takim nga Kryesuesi i Këshillit Prokurorial të Kosovës, z. Ardian Hajdaraj dhe Ushtuesi i Detyrës së Kryeprokurorit të Shtetit, z. Besim Kelmendi, me ç'rast janë përgëzuar për dekretim e tyre, duke nënvizuar përkushtimin dhe integritetin, paanshmërinë dhe profesionalizmin që duhet t'i kenë gjatë procesit të punës në sistemin prokurorial, duke garantuar zbatimin e ligjit në vendin tonë.



Prokurorët e rinj, të dekretuar sot, janë caktuar nëpër prokuroritë themelore të vendit.



**Urimi i U.D. Kryeprokurorit të Shtetit, z. Besim
Kelmendi për Vitin e Ri 2025**

Prishtinë, 31 dhjetor 2024

Të nderuar qytetarë,

Të nderuar partner dhe miq ndërkombëtarë të misionëve diplomatike në Republikën e Kosovës,

Derisa po i afrohem festës së ndërrimit të motmoteve vlerësojmë të arriturat e përbashkëta gjatë vitit që po e lëmë pas dhe me shumë optimizëm i gëzohemi ardhjes së Vitit të Ri.

Uroj që viti 2025 të jetë një vit i mbarë, i suksesshëm dhe prosperues për të gjithë!

Njëkohësisht, dëshiroj që ngrohtësia e kësaj feste t'iu mbushë ju dhe familje tuaja me gëzim, shpresë dhe lumturi!

Gëzuar Vitin e Ri 2025!

Me respekt,

Besim Kelmendi

Ushtrues i Detyrës së Kryeprokurorit të Shtetit

